

يا كفيل الحرم آه يراعي الشيم

ضـيـعـتـنـي من عفتني

عباس أنه الحوره يخوها
خافن عگبكم تتركوها
كلها يزينب لا تخافين
أحمي أنه احدود الصواوين
هذي الزلم ما هي ابعيني
لو طاحت ايساري ويميني
اتكله أنشدنك يفراس
ظل بالشريعه البطل عباس
وانته الذخر من عند أبوها
بين العده لو يسروها
خوج الأسد عند الميادين
أفدي النفس دون النساءين
لكن أريدج تعذريني
وسهم الأعاذي صاب عيني
شنگول لو سألتته الناس
واحنه يساره بيد لرجاس

أنشدنك بالأخو الغالي
لو شفت شمر الخنا اگبالي
كلها يأم الصبر يا زينب
وراسي من دم هامتي امخضب
يا ذخرنه وسورنا العالي
ما يروف الظالم اجمالي
وسفه وانه جسمي امترب
استعدي يختي للأصعب

كالت ولا أخفي يخويه خوفي
كلها وبعد لمن تجي تشوفي
كالت أجل الله اعلى حالي لمعين
كلها الجسد خيچ فلا تشوفين
واعلى الجثث باچر يظل وگوفي
فوك الترب متكطعه اچفوفي
لو شفت عالغبره أخويه لحسين
فوك الوطيه اجراحه تدمي العين

چم ضربه چم طعنه وجرح
وراسه على راس الرمح

يا كفيل الحرم آه يراعي الشيم

ضـيـعـتـي من عفتني

نارك تشب يالمهدي نارك
كلنه يغايبنه أنصارك
يمته الفرج يا صاحب الثار
عابن وضعنه ايبا وضع صار
انتہ الأمل عند الشدايد
يشهد عليه هدم المساجد
لنه الأمل يالمهدي موجود
انتہ الفرج وانتہ الموعود

الله رايد نلتزم دينه
گوم شوف اشكد تأذينه
شوف أميه وزمرة الأوغاد
بالأمس ذبحوا أبو السجاد
والعقيدہ بيك تحمينه
وشوف أمية واشفعل بينه
اين ذي الجوشن أو اين ازياذ
وظل فكرهم هالوكت ينعاد

گوم احمّل الرايه يصاحب الثار
قتل وسجن تعذيب بيد لشرار
ما ننهزم وانتہ لنا القيادة
وصار الذبح يالمهدي لينا عاده
مثل الجرى اعلينه يمهدي ما صار
وكلما انضربنه زدنه عزم وإصرار
وبيك التزمه ابقوة الإرادة
شعبك يمهدي يعشق الشهادة

يالمهدي واحنه ننتظر
وياذن الله لازم نتنصر

يا كفيل الحرم آه يراعي الشيم

ضـيـعـتـنـي من عفتني

طب المعارة وزلزل البيد بيد العلم والباتر اييد
صنديد اوما ساواه صنديد واعيونه مثل الجمر تلهب
طب المعاره والقلب نار امودع يتامه احسين واصغار
عزمه تشوفه چنه إعصار لجل اليتامه و لجل زينب
شد عالآعادي ابعزم وأقسم بالمائي يرجع للمخيم
بس لو عسى الجفين تسلم ودم عينه لا بالسهم ينصب
طب المعاره وسيفه بيده ترعد أعاديه ابرعيده
ما ايثني ضرباته وحيده حيدر علي لو ثار وأغضب

اتصوب العباس في الغاره واكطعوا يمينه وايساره
لكن العباس إصراره صب على گوم العده ناره
ظل ايدير اعيونه للخدر واعلى ماي الجود يتحسر
شافه المظلوم أبو الأكبر ووجهه من كثر الأسى اتغير

اتكاه العقيله يا أخويه يحسين شالي جرى ابكافلنه يا ضيا العين
كلها سهم شفته يخيه بالعين ودمه تطشر بالعقيله صوبين
گالت له عاين بو الفضل أبو الزود فوك لِمَطَهَمَّ عسه بعده موجود
گال الها يا خيتي انضرب بلعمود خيج يزيب ما أظن لنه ايعود

عباس أخونه اعلى النهر ولمن وگع ظهري انكسر

يا كفيل الحرم آه يراعي الشيم

ضـيـعـتـنـي من عفتني

صوتك يصوت الدين أعلى واسمك ليوم الدين أجلى
ومحبتك أحلى أو أولى يا صاحب الروح البهية
يال بالوطية اندبح عطشان كلك عطاء وفكر وإيمان
من قاتلك يحسين خسران خاسر حياته الأبدية
شاهد عليك الدين ولكتاب واللي تمسك بيك ما خاب
بابك بعد ما يشبهه باب مفتوح إلى كل البريه

انتبه باب الدين والحكمة انتبه نور أغلوب هالأمه
وانته نورك بدد الظلمه يالشهيد وثورتك رحمه
علمته الثورة والنهضة وبالظلم أبدا فلا نرضه
والعدل قانونك ايفرضه والظلم ما نقبله، انرفضه

ثورته من ثورتكم الأبيه أحرار اوما نقبل حكم أميه
بيك انتصرته وفزته بالقضيه ولو كسرتنه اخيول أعوجيه
للأبد تتعالى إينه رايات وذكر الشهيد احسين فينا ما مات
ولينه ابميادين الكرامه صولات ما نقبل الذلة وننادي هيهات

هيهاتنه اتهمز الحجر حتى ظهور المنتظر

يا كفيل الحرم آه يراعي الشيم

ضـيـعـتـنـي من عفتني

من البعد أرسل سلامي وعندني علم تسمع كلامي
دمع الحزن عالوجه هامي ويلاه على المذبوح عطشان
بين الدمع والحسره والنوح تلگى گلب ذايب ومجروح
منه الدمع يحسين مسفوح ويلاه على المذبوح عطشان
يمك يكون اشكد تمنه گلبي تدمّه وصرت منه
گوم استمع حنه او ونه ويلاه على المذبوح عطشان
يا بو علي وهاي التحيه من مهجه مجروحه ودميه
عاللي جرى بالغازيه ويلاه على المذبوح عطشان

أرسل أشواگي وسلاماتي وحق أبو فاضل تحياتي
اخذوا من گلبي معاناتي وضمّدوا يجابي جراحاتي
مكتوي ابنيران أحزاني يا ضمّد يا فخر وجداني
خدمتك يحسين عنواني انتہ أول ما إلك ثاني

اتمنيت أوصل وأوگف اعلاه بابك أذرف ادموعي امن أذکرن مصابك
أذکر سهم من الأعادي صابك يالعدبنتي اشيحتمل عذابك
أوصل لعندك واگصد الشريعه واتعنه لجل أبو الچف الگطيعه
واگله لجلک عيني الدميعه واصيح وينك يا حما الوديعه
وينك بين حيدر علي ترضى العقيله تنولي